

# Bájkkeavijssa NuorttaSálto

## Nuorttaguovllonnuora álgadimmielajn

Tæksta/gávva: Ellen Cecilie Triumf  
Járggálibme: Divte Media AS

■ Badjelasj 70 nuorra álgadiddje oassálasstin prosjæktaj rájá rastá. Oassálasstij gaskan lidjin julevsáme nuora Vuonarij- kas ja aj svieriga bieles. *Indigee* mij le oanedibme Indigenous entrepreneurship, le prosjækta mij galggá arvusmahttet ienep ulmutijit viddnudagájt ásadit nuorttaguovlojn.

*Indigee- indigenous entrepreneurship* le prosjækta man ulmme le oadtjot ienep álgadiddijit Barentsguovlon, álgo-álmukultuvrajn vuodon. Prosjevta ulmme le viddnudagájt lágov lasedit, oadtjot ienep virgálettja ja áttjudit lagáp aktisasj bargov rijkajrájáj rastá. Goalmát ja mañemus konferánssa ásaduváj ruoss- ja stádan Naryan-Mar nuorttan Ruoss- jan, gánná komi-, vepsa-, nenetsa-, ja sáme nuora lidjin tjáhkanañm áhpatjijt álgadit ja ávddánahttet viddnudagájt ja diedon værmádagáv oadtjot. Dán konferánssa mañela le ulmme nuorajn galggi liehket da nævo ja máhtudagá majt dár- bahi viddnudagáv jádedit jali ásadit.

### Filmma ja kultuvrra sjaddi geldulasj subtsasin.

Birrusij 50 nuora lidjin tjoahken Ruoss- jan ja akta dajs lij julevsábme Odd-Levi Paulsen guhti le Divtasvuonas. Odd-Levia mielas le læhkám árvulasj ietjas viddnudagá ávddánahttema diehti Naryan-Maran liehket.

- Lev aktijvuodav oadtjum geldulasj



ulmutijit ietjá rijkajn, jáhkáv dat sjaddá ávkken ietjam ávddánahttemij, javllá Odd-Levi dudálettjat. Odd-Levi Paulsen in le juo átsádallama mij guosská prosjæktajádedibmaj, ja dálla filmma- buvtadimijn barggá bielleájgev.

- Muv sávdus le máhttet viessot film- mabuvtadimes, mán lijkkuv subtsastallat ja filmma le riek buorre vuohke dasi, javllá Odd-Levi ja joarkká, - Julevsáme kultuvran li moadda subtsasa ma ælla subtsastaládum ja ájgov mijá kultuvrav væráldij ávddánahttet, subtsas nuorra boahhte filmmabuvtadiddje.

### Hálijdi Indigee 2

Ruossaj báhtin aj rádevadde Vuonas, Svierigis, Ruossjas ja Amerigis. Sijáj barggo lij rádiijt vaddet daj dárboj milta ma lidjin *Indigee* nuorajn joarkket ja állit sijá viddnudakplánaj. Tiemá duola dagu buvtahábbmidibme, ekonomija, oasestibme ja "business strategy" lidjin muhtema tiemájs majna rádevadde máhttin viehkedit. *Indigee* prosjækta

láhpa guovlluj manná dá bále. Prosjækta- jádediddje Lars Miguel Utsi javllá prosjækta le nav vuorbástuvvam vaj sihti álgadit Indigee 2 prosjevtajn. Prosjevta ulmme lij oadtjot ienep ulmutijit vidd- nudakájádusájt ávddánahttjot vaj iesj viddnudagájt ásadi, ma máhtti álgo- álmugij kultuvrraj ja árbbedábijda tjanáduvvat.

- Lip vuojnám moadda buorre ájádusá oassálasstijs, duojes ájádusájda ma guoski boatsojsujttuj, guollimij ja - bivdemij, mannoæládussaj ja turissmaj, valla aj viddnudakájádusájda gánná ádáájggásasj hábbmidibme ja gávva le vuodon, subtsas dudálasj prosjækta- jádediddje.

### Buorre rádevadde li árvulattja!

Prosjevtan li læhkám birrusij 70 oassálasste álles Barentsguovlos ja siján le iesjgeñgalágásj duogásj. Juohkka rijkajn le sierra stuoves rádevadde mij galggá liehket duola dagu mentor, viehkedit prosjæktaájádusáj ja viehkedit viddnudakplánaj, tjelggi Lars Miguel

Utsi ja joarkká:

- Rádevaddijn li iesj átsádallama gáktu ájádusáv viddnudahkaj áttjudit, jáhkkemis le dát ávkken læhkám Indigee- oassálasstij bagádaládahttijjn, subtsas prosjæktajádediddje guojmmebarggij birra. Akta rádevaddijs lij Lars Theodor Kintel gænna li átsádallama viddnudakásadimij Divtasvuonan.

- Le læhkám riek miellagiddis oassálasstet prosessan ja vuojnáv moadda buorre ájádusá, javllá Lars Theodor Kintel oassálasstij birra ja joarkká, - Muv mielas galggap liehket dudálettja jus gájt 2-3 ádá viddnudagá ásaduvvi Indigee-oassálasstij ájádusájs, miejnni Lars Theodor Kintel, guhti átsádallamij baktu diehtá man állo barggo le viddnudagáv ásadit. "Dálla le gájt *Indigee* nuorajn værmástahka majt máhtti adnet gá galggi ietjas viddnudagájt ásadittjat ja mañemussaj vuobddet ietjas buktajit ja dievnojt ietjasa kultuvrajn vuodon.

**Prosjektaoajvve** Lars Miguel Utsin le pep-talk lævdagoaden aktanrádevadde Lars Theodor Kintel, rádevadde Anders J.H. Eira, Christina Henriksen (Barents- sekretariáhtta ja oassálasste Anne Marja Guttorm Graven.

**Prosjektleder** Lars Miguel Utsi har pep-talk i lavvu sammen med rådgiver Lars Theodor Kintel, rådgiver Anders J.H. Eira, Christina Henriksen (Barents- sekretariatet) og deltaker Anne Marja Guttorm Graven.



**Oassevállde** bessi gæhttjalit jus nahki jiermmát ságastit gá dal mak investor galggá ájalvisvidnudagá mávsánisáv árvustallat. Odd Levi Paulsen gassko, suomak Lasse (g.b.) ja svænska Pavva tjuovvoba. **Deltakere** får teste ut om de klarer å holde hodet kaldt når en liksom investor skal vurdere lønnsomheta til idebedriften. Odd Levi Paulsen sitter i midten, finske Lasse (t.v) og svenske Pavva følger med.

